

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
MINISTARSTVO ZA BORAČKA PITANJA**

**IZVJEŠTAJ**  
*o radu Ministarstva za boračka pitanja  
Tuzlanskog kantona za 2013. godinu*

*Tuzla, februar 2014. godine*

# I Z V J E Š T A J

## o radu Ministarstva za boračka pitanja Tuzlanskog kantona za 2013. godinu

### **I Uvodni dio**

Izvještaj, koji je sačinjen u skladu sa odredbama tačke XVI i XVII Odluke o metodologiji izrade i donošenja programa rada i izvještaja o radu Vlade Tuzlanskog kantona, kantonalnih organa uprave i upravnih organizacija („Službene novine Tuzlanskog kantona” broj: 15/11), ima za cilj da predoči okončano stanje rada, za period 01.01.2013. godine - 31.12.2013. godine, sa potrebnim konstatacijama, zaključcima i prijedlozima o daljem radu u oblasti boračko-invalidske zaštite na području Tuzlanskog kantona (u daljem tekstu: Kanton).

Programom rada Vlade Tuzlanskog kantona (u daljem tekstu: Vlada Kantona) za 2013. godinu Ministarstvo za boračka pitanja Tuzlanskog kantona (u daljem tekstu: Ministarstvo) je planiralo da obezbijedi kontinuiranu primjenu Zakona o dopunskim pravima branitelja i članova njihovih porodica, prečišćeni tekst, („Službene novine Tuzlanskog kantona“, broj: 5/12), uz obavezu utvrđivanja i provođenja politike, kao i primjene zakonskih i drugih propisa koje imaju za svrhu zaštitu prava boraca i članova njihovih porodica.

Kao prvi strateški cilj bilo je predviđeno uspostavljanje novog sistema raspodjele u oblasti stambenog zbrinjavanja boraca i članova njihovih porodica, uvećanjem kreditnih sredstava u odnosu na bespovratna sredstva koja su se dodijeljivala kao pomoć u stambenom zbrinjavanju boraca i članova njihovih porodica, što je i postignuto i isto će biti prezentovano u ovom izvještaju.

Takođe, kao drugi strateški cilj bilo je planirano da će se planirati namjenska sredstva za obavljanje pripravnčkog staža boraca i članova njihovih porodica, kao uslova za polaganje stručnog ispita, čime bi se stvorili preduslovi za eventualno brže zapošljavanje istih, što je i postignuto i isto će, takođe, biti prezentovano u ovom izvještaju.

Kao treći strateški cilj bilo je planirano da se izmjenama i dopunama Zakona o dopunskim pravima boraca i članova njihovih porodica, stvore preduslovi da se dodjelom finansijskih sredstava, omogući finansiranje programa za zapošljavanje boraca i članova njihovih porodica, kako putem Službe za zapošljavanje tako i putem resornih ministarstava u Vladi Kantona.

Od naprijed navedenih strateških ciljeva, može se konstatovati da su uspješno realizovana prva dva cilja, dok treći cilj nije realizovan isključivo iz razloga kasnog usvajanja Budžeta Tuzlanskog kantona i nemogućnosti planiranja i realiziranja novih programa.

### **II Normativni dio**

#### **Programirani propisi koje je donijela Vlada Kantona**

U izvještajnom periodu, u segmentu normativno pravne djelatnosti, u cilju implementacije Zakona o dopunskim pravima branitelja i članova njihovih porodica, prečišćeni tekst, („Službene novine Tuzlanskog kantona“, broj: 5/12 u daljem tekstu: kantonalni Zakon) i podzakonskog akta, Odluke o proširenom obimu prava iz oblasti zdravstvene zaštite branitelja i članova njihovih porodica, prečišćeni tekst, („Službene novine Tuzlanskog kantona“, broj: 6/12, u daljem tekstu: kantonalna Odluka), Ministarstvo je uspjelo realizovati najveći dio aktivnosti planiranih Programom rada Vlade Kantona za 2013. godinu, izuzev u segment koji se odnosi na finansiranje programa za zapošljavanje boraca i članova njihovih porodica.

U tu svrhu Vlada Kantona donijela je nove i inovirala postojeće provedbene propise, i to kako slijedi:

1. Odluka o dopuni Odluke o utvrđivanju uslova, kriterija i postupka za dodjelu sredstava udruženjima boračke populacije Tuzlanskog kantona,
2. Odluka o dopuni Odluke o utvrđivanju uslova, kriterija i postupka za obavljanje pripravnčkog staža branitelja i članova njihovih porodica,

3. Odluka o dopuni Odluke o utvrđivanju značajnih događaja, datuma i ličnosti za Tuzlanski kanton,
4. Odluka o utvrđivanju uslova, kriterija i postupka za dodjelu stipendija braniteljima i članovima njihovih obitelji i
5. Nacrt Zakona o izmjenama i dopunama Zakona o dopunskim pravima branitelja i članova njihovih obitelji.

### **Programirana analitičko, informativna i programska djelatnost**

U izvještajnom periodu, u segmentu analitičko, informativne i programske djelatnosti Vlada Kantona donijela je sve akte koji su bili predviđeni Programom rada Vlade Kantona za 2013. godinu, i to kako slijedi:

1. Izvještaj o radu Ministarstva za boračka pitanja za 2012. godinu,
2. Program korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite,
3. Program o rasporedu sredstava za dodjelu stipendija studentima i učenicima pripadnicima boračke populacije za školsku/studijsku 2012/2013 godinu,
4. Program o rasporedu sredstava za obavljanje pripravničkog staža boraca i članova njihovih porodica,
5. Program o rasporedu bespovratnih novčanih sredstava za pomoć u rješavanju stambenih potreba braniteljima i članovima njihovih porodica na području Tuzlanskog kantona,
6. Program stambenog zbrinjavanja boraca i članova njihovih porodica dodjelom beskamatnih kreditnih sredstava na području Tuzlanskog kantona za 2013. godinu,
7. Program o rasporedu sredstava za obilježavanja značajnih datuma, događaja i ličnosti na području Tuzlanskog kantona za 2013. godinu,
8. Program o rasporedu sredstava za 2013. godinu,
9. Program rada Ministarstva za boračka pitanja za 2014. godinu,
10. Program rada Ministarstva za boračka pitanja za 2014. godinu, za Program rada Vlade Tuzlanskog kantona i
11. Program rada Ministarstva za boračka pitanja za 2014. godinu za Program rada Skupštine Tuzlanskog kantona.

### **Neproprogramirana analitičko, informativna i programska djelatnost**

Takođe, pored planiranih aktivnosti Programom rada Vlade Kantona, na osnovu ukazane potrebe, a na prijedlog Ministarstva, Vlada Kantona je donijela i slijedeće akte koji nisu bili planirani Programom rada Vlade Kantona, i to kako slijedi:

- 1) Odluka o izmjeni Programa o rasporedu sredstava za obavljanje pripravničkog staža boraca i članova njihovih porodica,
- 2) Odluka o izmjeni Programa o rasporedu bespovratnih novčanih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona za 2013. godinu,
- 3) Odluka o dopuni Programa raspodjele korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2013. godini i
- 4) Odluka o izmjenama Programa korištenja sredstava za realizaciju dopunskih prava i ostalih izdvajanja sa kriterijima za raspodjelu korisnicima boračko - invalidske zaštite u 2013. godini.

### III Tematski dio

#### **Implementacija Zakona o pravima branilaca i članova njihovih porodica**

##### Zakon o pravima branilaca i članova njihovih porodica


Zakonska revizija korisnika prava na ličnu i porodičnu invalidninu, prema odredbama Zakona o pravima branilaca i članova njihovih porodica („Službene novine Federacije Bosne i Hercegovine“, broj: 33/04, 56/06, 70/07 i 09/10, u daljem tekstu: federalni Zakon), počev od 2004. godine, provodi se, kontinuirano, u propisanim rokovima.

Promjena u broju korisnika prava na ličnu invalidninu, rezultat je zakonske odredbe koja je omogućila i licima, koja su iz opravdanih razloga, svojevremeno, izgubila status ratnog vojnog invalida (u daljem tekstu:RVI), odnosno pravo na ličnu invalidninu, da podnošenjem novoga zahtjeva ponovo ostvare navedeni status, odnosno pravo.

Kada je u pitanju porodična invalidnina, promjena broja korisnika prava rezultat je takođe zakonske odredbe, koja je omogućila da pravo na porodičnu invalidninu ostvare i porodice umrlih RVI od I-VII grupe invalidnosti kod kojih ne postoji uzročno posljedična veza između okolnosti stradanja i smrti umrlog RVI, kao i porodice umrlih RVI od VII-X grupe invalidnosti, gdje postoji uzročno posljedična veza između okolnosti stradanja i smrti umrlog RVI. Revizija prvostepenih rješenja korisnika prava na porodičnu invalidninu, u statusu djece koja se nalaze na redovnom školovanju, provodi se kontinuirano za svaku školsku godinu.

U izvještajnom periodu izvršena je revizija 41 predmeta korisnika prava na ličnu invalidninu i 2602 predmeta korisnika prava na porodičnu invalidninu.

Pregled broja korisnika prema podacima općinskih službi na Kantonu



##### Novčane prinadležnosti po federalnom Zakonu

Odredbama člana 57. federalnog Zakona, decidno je utvrđeno da se: „Sredstva za ostvarivanje i korištenje prava propisanih ovim Zakonom osiguravaju iz federalnog budžeta; budžeta kantona; budžeta općine i drugih prihoda“, a stavom (2) istog člana je utvrđeno da se u federalnom budžetu osiguravaju sredstva za isplatu: porodičnih invalidnina; uvećanih porodičnih invalidnina; ličnih invalidnina; ortopedskog dodatka; dodatka za njegu i pomoć drugog lica i pomoć u slučaju smrti.

Visina osnovice za provođenje federalnog Zakona utvrđuje se početkom svake godine u zavisnosti od kretanja indeksa maloprodajnih cijena, prema podacima Federalnog zavoda za statistiku, iz prethodne godine i visine raspoloživih sredstava planiranih u federalnom budžetu za tekuću godinu. U slučaju da sredstva planirana za isplate mjesečnih novčanih primanja u federalnom budžetu za tekuću budžetsku godinu iznose manje od iznosa sredstava potrebnih za isplatu u visini osnovice utvrđene federalnim Zakonom, primjenjuje se koeficijent za obračun.

Osnovica za određivanje visine mjesečnih novčanih primanja korisnika boračko invalidske zaštite u Federacije Bosne i Hercegovine za 2013. godinu iznosila je 867,50 KM.

U izvještajnom periodu isplaćene su i razlike sredstava invalidnine - dugujuća sredstva iz 2009. godine.

#### *Uredba o načinu ušteta na isplatama mjesečnih novčanih naknada*

Potrebno je istaći da je Vlada Federacije Bosne i Hercegovine ( u daljem tekstu: BiH) ranije donijela Uredbu o načinu ušteta na isplatama mjesečnih novčanih naknada kojom se uređuju uslovi, postupak i način ušteta na isplatama mjesečnih novčanih naknada ostvarenih po federalnom Zakonu.

Korisnicima prava na ličnu invalidninu ostvarenu isključivo po osnovu rane i/ili zarobljavanja/zatočeništva, novčane naknade isplaćuju se u iznosu 100% od osnovice, a ostalim korisnicima prava primanja se isplaćuju u visini 90% od naprijed navedene osnovice.

Za provođenje ove Uredbe zaduženi su Federalno ministarstvo i Federalno ministarstvo finansija, svako u okviru svoje nadležnosti.

#### *Zakon o provođenju kontrole zakonitosti korištenja prava iz oblasti branilačko invalidske zaštite*

Pod kontrolom zakonitosti podrazumijeva se: preispitivanje svih uvjerenja o pripadnosti i okolnostima pod kojim je lice ranjeno, povrijeđeno, oboljelo, poginulo, umrlo ili nestalo, zatim podrazumijeva se i preispitivanje validnosti medicinske dokumentacije i utvrđenog procenta invaliditeta, kao i kontrola svih rješenja kojima je priznato pravo na ličnu i porodičnu invalidninu.

Kantonalna ministarstva za boračko invalidsku zaštitu nisu uključena u navedene aktivnosti.

### **Dopunska prava iz nadležnosti Kantona**

Pravni osnov za ostvarivanje dopunskih prava iz oblasti boračko - invalidske zaštite sadržan je u kantonalnom Zakonu i kantonalnoj Odluci.

Kantonalnim Zakonom su utvrđena slijedeća prava iz nadležnosti Kantona:

1. zdravstvena zaštita:
  - a) obavezno zdravstveno osiguranje,
  - b) premija zdravstvenog osiguranja „markica“,
  - c) ortotsko protetska pomagala,
  - d) obezbjeđenje higijensko sanitetskog materijala,
  - e) obezbjeđenje lijekova i
  - f) pravo na liječenje u inostranstvu,
2. banjsko i klimatsko liječenje (medicinska rehabilitacija);
3. pravo po osnovu preostale radne sposobnosti;
4. osiguranje povoljnijih uslova za zapošljavanje i prioritet pri zapošljavanju;
5. prioritet u školovanju, stipendiranju i smještaju u domove:
  - a) upis u obrazovne ustanove i
  - b) stipendiranje,
6. rješavanje stambenog pitanja;
  - a) dodjela bespovratnih novčanih sredstava,
  - b) dodjela beskamatnih kreditnih sredstava i
  - c) dodjela stana u vlasništvo,
7. oslobađanje od plaćanja sudskih i administrativnih taksi;
8. podizanje nišana - nadgrobnog spomenika:

- a) realizacija Projekta podizanja jedinstvenih spomen obilježja poginulim pripadnicima Armije R BiH i MUP-a i
- b) naknada troškova podizanja nišana,
- 9. pomoć u slučaju smrti;
- 10. posebna prava;
- 11. nadoknada troškova prijevoza radi liječenja;
- 12. jednokratne novčane pomoći
  - a) za socijalne potrebe i
  - b) nabavku udžbenika,
- 13. Participaciju u učešću - održavanju sportskih takmičenja u invalidskom sportu i manifestacija povodom obilježavanja Dana Oružanih snaga Bosne i Hercegovine ( u daljem tekstu:OS BiH), na području Kantona.

Iz Budžeta općina finansiraju se sljedeća prava: održavanje lokaliteta spomen obilježja, prava u slučaju smrti, izgradnja prilaza do stambene zgrade i subvencija naknada za dodijeljeno građevinsko zemljište.

### **Zdravstvena zaštita**

#### a) Obavezno zdravstveno osiguranje

Pravni osnov za ostvarivanje dopunskog prava, zdravstvenu zaštitu boraca i članova njihovih porodica, sadržan je u članu 6. kantonalnog Zakona i članu 3. kantonalne Odluke.

Zdravstvena zaštita se provodi kao primarna, specijalističko - konsultativna i bolnička, bez ličnog učešća osiguranih lica u troškovima korištenja zdravstvene zaštite i liječenja na području Kantona.

Prema naprijed navedenom obveznik uplate doprinosa za zdravstveno osiguranje je Ministarstvo, koje vrši uplatu doprinosa za 5540 korisnika na području Kantona.

#### b) Premija zdravstvenog osiguranja - „markica“

Aktivnosti oko priznavanja prava na premiju zdravstvenog osiguranja kao i podjela istih za 2013. godinu, koje su se odvijale preko općinskih službi, okončane su u propisanim rokovima, a nadzor nad pomenutim aktivnostima obavljen je od strane ovoga Ministarstva.

Prema službenim evidencijama, putem ovoga Ministarstva pravo na premiju zdravstvenog osiguranja ostvarilo je 59249 korisnika prava.

#### c) Ortotsko - protetska pomagala

Kantonalnom Odlukom utvrđena su sljedeća ortotsko proteska pomagala koja se mogu odobriti RVI: proteze, ortopedske cipele, invalidska kolica, ortoze, štap, štake, očna pomagala (proteze i naočale), slušna pomagala, pomagala za omogućavanje glasnog govora, stomatološko protetska pomagala, pomagala za slijepe osobe, endoproteze i ostala pomagala.

U skladu sa izmijenjenom kantonalnom Odlukom, RVI imaju pravo da ortotsko - protetska pomagala, izuzev ortotsko - protetskog pomagala utvrđenog članom 15. Odluke (invalidska kolica na mehanički pogon), nabavljaju kod pravne osobe registrirane za djelatnost izrade, odnosno prodaje pomagala.

RVI ima pravo na naknadu troškova nabavke odgovarajućeg ortotsko - protetskog pomagala, u okviru cijene utvrđene Odlukom o utvrđivanju učešća Ministarstva u nabavci ortotsko-protetskih pomagala, s tim da RVI, po potrebi, snosi razliku cijene između standardnog ortotsko - protetskog pomagala utvrđenog Odlukom o utvrđivanju učešća Ministarstva u nabavci ortotsko-protetskih pomagala, u odnosu na pomagalo, za koje se isti opredijeli po vlastitom izboru.

RVI navedena dopunska prava ostvaruje, pored prava utvrđenih po osnovu obaveznog zdravstvenog osiguranja, a Zavod zdravstvenog osiguranja Tuzlanskog kantona (u daljem tekstu: Zavod) učestvuje u participaciji nabavke ortotsko - protetska pomagala, u skladu sa propisima Zavoda.

U izvještajnom periodu obezbijedili smo ortotsko-protetska pomagala za 738 korisnika.

d) Higijensko-sanitetski materijal za RVI - osobe sa paraplegijom

Prema evidenciji Ministarstva za 2013 godinu, na području Kantona živi 32 RVI - 100% I grupe, osobe sa posebnim potrebama, a potrebe istih za nabavku higijensko – sanitetskom materijala, podmiruje se kontinuirano kvartalno.

Shodno kantonalnom Zakonu i kantonalnoj Odluci, RVI 100% I grupe, osobe sa posebnim potrebama, svake 2 godine, imaju pravo na nabavku „ROHO“ jastuka. U novembru 2013. godine izvršena je podjela „ROHO“ jastuka za navedene korisnike prava.

U 2013. godini planirana aktivnost za nabavku kolica na mehanički pogon za RVI 100% I i II grupe invaliditeta nije realizovana iz razloga složenih procedura propisanih Zakonom o javnim nabavkama, a ista se aktivnost nastavlja u narednoj 2014. godini.

e) Obezbijedenje lijekova

RVI uz adekvatnu medicinsku dokumentaciju, prema Pravilniku o kriterijima i postupku za odobravanje lijekova, sanitetskog materijala i dezinfekcionih sredstava, ima pravo besplatno na sve lijekove koji su registrovani na teritoriji FBiH, a neophodni su za liječenje rana, povreda, ozljeda, bolesti ili pogoršanja bolesti zadobijenih u toku služenja u OS BiH.

Od ukupno 692 podnesena zahtjeva, koliko je zaprimljeno u proteklom izvještajnom periodu, pozitivno je riješeno 691 zahtjev, a 1 zahtjev je odbijen, radi neispunjavanja zakonom propisanih uslova.

f) Liječenje branilaca i članova njihovih porodica

U izvještajnom periodu, u skladu sa podzakonskim aktom, Odlukom o kriterijima i postupku odobravanja finansijskih sredstava za liječenje branilaca i članova njihovih porodica, odobravana su finansijska sredstva kao pomoć u liječenju težih oboljenja, propisanih navedenim podzakonskim aktom.

Od ukupno 640 podnesenih zahtjeva, koliko je zaprimljeno u proteklom izvještajnom periodu, pozitivno je riješeno 400 zahtjeva, a 240 zahtjeva je odbijeno, radi neispunjavanja zakonom propisanih uslova.

**Banjsko klimatsko liječenje**

Prema kantonalnom Zakonu i kantonalnoj Odluci, RVI i dobitnici ratnih priznanja i odlikovanja (u daljem tekstu: DNRP) ostvaruju pravo na banjsko - klimatsko liječenje kada je takvo liječenje neophodno radi nastavka bolničkog liječenja, od zadobijene rane, povrede ili bolesti tokom služenja u OS BiH.

RVI 100% I grupe invalidnosti (osobe sa posebnim potrebama) imaju pravo koristiti banjsko - klimatski tretman, jednom u toku kalendarske godine, bez obzira na medicinske indikacije u trajanju od 21 dan.

Od ukupno 275 podnesenih zahtjeva, koliko je zaprimljeno u proteklom izvještajnom periodu, pozitivno je riješeno 233 zahtjeva, a 42 zahtjeva je odbijeno, radi neispunjavanja zakonom propisanih uslova.

## **Upis u obrazovne ustanove i stipendiranje**

### a) Upis u obrazovne ustanove i beneficije prilikom upisa

Vlada Kantona i ovo Ministarstvo, u saradnji sa resornim Ministarstvom, rektoratom Univerziteta i boračkim udruženjima kantonalnog nivoa, okončalo je proceduru upisa djece boraca i članova njihovih porodica, u obrazovne ustanove, za školsku/studijsku 2012/2013 godinu.

Na osnovu zaključka Vlade Kantona, djeci boraca koja su položila kvalifikacioni ispit i osvojila bodovni minimum, omogućen je upis u visokoobrazovne i srednjoškolske ustanove u situaciji kada broj prijavljenih kandidata prelazi utvrđeni broj za upis.

Pravo na beneficije kod upisa i troškova školovanja, kao i naknade za smještaj u đачke i studentske domove, prema aktima nadležnih ustanova, ostvaruje se u skladu sa kantonalnim Zakonom, u visini 50% kod plaćanja naknada za upis u novu školsku / studijsku godinu.

### b) Stipendiranje učenika i studenata

U izvještajnom periodu, a nakon što su u dotadašnjim procedurama uočeni određeni nedostaci koje je trebalo otkloniti, kako bi se navedeno pravo moglo lakše ostvariti od boraca i članova njihovih porodica pristupilo se donošenju novog podzakonskog akta, kojim je regulisano navedeno dopunsko pravo.

Shodno važećim podzakonskim aktima, Ministarstvo je, u analiziranom periodu, okončalo proceduru za dodjelu stipendija učenicima i studentima za školsku/studijsku 2012/2013.

Pravo na dodjelu stipendija za školsku/studijsku 2012/2013 ostvarilo je ukupno 2288 učenika i studenta.

U izvještajnom period raspisani su novi konkursi za dodjelu stipendija učenicima i studentima za školsku/studijsku 2013/2014 i u toku je postupak dodjele stipendija za iste.

### **Projekat obavljanja pripravničkog staža boraca i članova njihovih porodica**

U izvještajnom periodu, putem posebnog programa bila su izdvojena finansijska sredstva za ostvarivanje i ovog dopunskog prava - obavljanje pripravničkog staža boraca i članova njihovih porodica.

U realizaciji naprijed navedenog prava bila je angažovana Kantonalna služba za zapošljavanje, sa kojom je ovo Ministarstvo zaključilo Sporazum o realizaciji projekta obavljanje pripravničkog staža boraca i članova njihovih porodica.

U skladu sa podzakonskim aktom Ministarstvo je provelo javni poziv, izvršilo odabir kandidata, prema utvrđenim kriterijima iz podzakonskog akta, Odluke o utvrđivanju uslova, kriterija i postupka za obavljanje pripravničkog staža branitelja i članova njihovih porodica i utvrdilo Konačnu rang listu kandidata. Na Konačnoj rang listi bio je rangiran 651 kandidat, od kojih je 245 kandidata, u skladu sa planiranim finansijskim sredstvima, ostvarilo pravo na obavljanje pripravničkog staža.

Nakon utvrđivanja Konačne rang liste kandidata Ministarstvo je tri puta raspisivalo javni poziv za izbor poslodavaca, kako bi se rangirani kandidati mogli angažovati za obavljanje pripravničkog staža.

Navedeni projekat je okončan krajem septembra, kada su potpisani prvi Ugovor između Poslodavaca i Kantonalne službe, odnosno Poslodavaca i pripravnika.

Takođe, potrebno je naglasiti da je izmjenom postojećeg programa, omogućeno obavljanje pripravničkog staža za dodatnih 11 kandidata, koji su imali isti broj bodova u odnosu na kandidate koji su ostvarili pravo na isto, čime je ukupan broj pripravnika koji obavljaju pripravnički staž po ovom programu 264 kandidat.



Svim pripravnicima za vrijeme trajanja pripravničkog staža mjesečno se isplaćuje naknada u neto iznosu, 320,00KM i vrši prijava osiguranja za slučaj povrede na radu i profesionalne bolesti i uplaćuje se porez na dohodak i doprinos za slučaj nepogode.

Javnim pozivom nisu mogli biti obuhvaćeni svi zainteresirani kandidati zbog ograničenosti finansijskih sredstava, ali je navedeni projekat dobio veliku podršku u javnosti, a posebno je pozitivno ocijenjen od strane boračke populacije, tako da očekujemo da će se isti u narednim godinama nastaviti sa istom ili većom finansijskom podrškom od strane Vlade Kantona.

### **Rješavanje stambenih potreba**

Stambeno zbrinjavanje boraca i članova njihovih porodica, započelo je 1999. godine, kada je Vlada Kantona, donošenjem programa, izdvojila prva sredstva za stambeno zbrinjavanje istih.

Na osnovu odredaba kantonalnog Zakona pomoć u stambenom zbrinjavanju boraca i članova njihovih porodica odvija se putem više različitih linija, koje paralelno egzistiraju u Ministarstvu, i to na način kako slijedi:

- a) dodjela bespovratnih novčanih sredstava,
- b) dodjela beskamatnih kreditnih sredstava,
- c) dodjela kreditnih sredstava sa subvencioniranom kamatom,
- d) dodjela stana u vlasništvo i
- e) stanovi preuzetog Kantonalnog fonda.

Obzirom na finansijska sredstva koja se izdvajaju za ove namjene, ukratko ćemo se osvrnuti na svaki segment ponaosob.

#### a) Dodjela bespovratnih novčanih sredstava

Aktivnosti na dodjeli bespovratnih novčanih sredstava za pomoć u stambenom zbrinjavanju za 2013. godinu, započele su, raspisivanjem javnog konkursa, prema odredbama podzakonskog akta, Uredbe o dodjeli bespovratnih novčanih sredstava za pomoć u rješavanju stambenih potreba boraca i članova njihovih porodica ( u daljem tekstu:Uredbe).

U izvještajnom periodu izvršena je izmjena Uredbe na način da je Komisija za rješavanje stambenih potreba u drugon stepenu bila obavezna izvršiti upravni nadzor nad svim predmetima korisnika kojima su odobrena bespovratna sredstva od općinskih komisija.

U skladu sa navedenim dopunskim pravom, a nakon provedene i okončane procedure, za 98 korisnika dodijeljena su finansijska sredstva kao pomoć u rješavanju stambenih potreba u iznosu 1.135.610,00 KM.

#### b) Dodjela beskamatnih kreditnih sredstava

U skladu sa Budžetom Kantona za 2013. godinu, dodjela beskamatnih kreditnih sredstava za pomoć u rješavanju stambenih potreba, planirana je u visini od 1.500.000,00 KM i to po 500.000,00 KM, za svaku od boračkih kategorija: PŠ-PB, RVI i DB.

Nakon provedene i okončane procedure dodijeljena je finansijska pomoć u rješavanju stambenih potreba putem beskamatnih kreditnih sredstava za 47 korisnika, u iznosu od 831.557,33 KM.

#### c) Dodjela kreditnih sredstava sa subvencioniranom kamatom

Na bazi Programa dodjele dugoročnih kreditnih sredstava sa subvencioniranom kamatom iz 2004. godine, realizirano je po osnovu Ugovora putem tadašnje „Tuzlanske banke“ sadašnje „NLB banke“ dd Tuzla, ukupno 2.400.000,00 KM kreditnih sredstava.

U skladu sa desetogodišnjim programom realizacije ukupnog projekta subvencioniranih kamata koji traje do 2014. godine, pred kraj svake budžetske godine, odnosno, u decembru mjesecu 2013. godine, realizirat će se obračunati dio subvencioniranih kamata za 2013. godinu, koji po ovom Programu iznosi 11.678,25 KM.

#### d) Dodjela stana u vlasništvo

Prema odredbama člana 26. Zakona, kao jedno od dopunskih prava utvrđeno je i pravo na dodjelu stanova u vlasništvo borcima i članovima njihovih porodica, pod uslovom da nemaju riješene stambene potrebe na području BiH.

U izvještajnom periodu, na osnovu provedenog postupka od Ministarstva, Vlada Kantona je posebnim odlukama dodijelila stanove u vlasništvo za ukupno osam korisnika, od čega: šest korisnika iz općine Tuzla i dva korisnika iz općine Lukavac.

U navedenom periodu, najveći dio aktivnosti Ministarstva, odnosio se na konačnije postupka etažiranja i uknjižbe stanova, na Vladu Kantona, a radi dodjele istim korisnicima koji ispunjavaju uslove za isto.

Do sada je Vlada Kantona donijela 38 odluka o dodjeli stana u vlasništva borcima i članovima njihovih porodica, uz napomenu da za kandidate iz općine Kladanj, nije moguće ispoštovati navedenu proceduru zbog nemogućnosti uknjižbe predmetnih stambenih jedinica na Kanton.

#### e) Stanovi Kantonalnog fonda za izgradnju

Odlukom Vlade Kantona, prestao je sa radom Kantonalni fond, a zatečena imovina kao i prava i obaveze, sa stanjem na dan 31.10.2001. godine, predata je Ministarstvu. Ministarstvo je preuzelo prava i obaveze, sredstva, opremu, inventar, akte, arhivu, predmete i drugu imovinu Kantonalnog fonda, kao i kreditne aktivnosti Fonda, koji je finansirao izgradnju stanova za potrebe članova PŠ-PB, RVI, DB i prognanih osoba u statusu boračke kategorije.

Do momenta podnošenja ovog izvještaja od ukupno 34 izgrađene stambene jedinice, ostalo je neprodato:

1 stambena jedinica u Kladnju i 3 stambene jedinice i jedna zajednička prostorija u Doboj Istoku.

Pored navedenog neophodno je napomenuti da je do 31.12.2013. godine od:

- 12 prodatih stanova u Srebreniku, svih 12 otplaćeno,
- 8 prodatih stanova u Kladnju, 4 stana su otplaćena,
- 8 prodatih stanova u Čeliću, svih 8 je otplaćeno,
- 2 prodata stana u Doboj Istoku, a neotplaćena.

U narednom periodu neophodno je u cilju zaštite interesa i imovine, sagledati mogućnosti izdavanja slobodnih stanova pod zakup korisnicima prava, uz dalje iznalaženje mogućnosti trajne prodaje ovih stambenih prostora.

Takođe, u svrhu neometanog uknjižavanja otkupljenih stanova u saradnji sa Kantonalnim pravobranilaštvom iznaći ispravno i zakonito rješenje u svrhu omogućavanja uknjiženja otkupljenih stanova u vlasničke knjige.

### **Podizanje nišana – nadgrobnog spomenika**

#### a) Realizacija Projekta podizanja jedinstvenih spomen obilježja poginulim pripadnicima Armije R BiH i MUP-a na području i izvan područja Tuzlanskog kantona

U izvještajnom periodu, nastavljena je realizacija Projekta podizanja jedinstvenih spomen obilježja poginulim pripadnicima Armije R BiH i MUP-a započeta, a neokončana u 2012. godini,

po ranije zaključenom ugovoru, kojim je bilo ugovoreno postavljanje 175 pari jedinstvenih spomen obilježja (u daljnjem tekstu: JSO) na području Kantona a 126 pari JSO izvan Kantona.

Zbog iznimno loše dinamike izvođenja radova na planiranom projektu u početku 2013. godine, ugovor sa odabranim ponuđačem radova je raskinut pri čemu je do tada izgrađeno i postavljeno 70 pari JSO na području Kantona i 44 pari JSO na području izvan Kantona.

Istovremeno je ostalo izgrađeno 93 para betonskih stopa za postavljanje JSO na mezarju Memići u Kalesiji.

Nakon raskida ugovora u 2013. godini, Ministarstvo je dva puta bezuspješno raspisivalo javni poziv za izbor najpovoljnijeg izvođača radova za postavljanje 93 para JSO na već izlivenim stopama za iste u mezarju Memići. Tek od trećeg pokušaja izvršen je uspješan izbor izvođača radova krajem novembra mjeseca.

Planirane aktivnosti Ministarstva na ovom projektu za 2013. godinu u cijelosti se prenose za 2014. godinu.

#### b) Naknada troškova podizanja nišana nadgrobnog spomenika

Navedenom zakonskom odredbom je propisano da član PŠ-PB koji je svojim sredstvima već podigao nišan - nadgrobnog spomenik, šehidu - poginulom borcu, ima pravo na naknadu troškova u visini koja je utvrđena za podizanje nišana - nadgrobnog spomenika, ukoliko tu naknadu već nije ostvario putem nekog drugog organa uprave ili institucije.

U skladu sa odredbama važećeg pravilnika pozitivno je riješen jedan zahtjev i odobreno je 540,00 KM.

#### **Pomoć u slučaju smrti**

U izvještajnom periodu, za dopunsko pravo, naknadu troškova dženaze/sahrane, zaprimljen je 512 zahtjev. Općinske službe su iste riješile i dostavile ovom Ministarstvu na postupak upravnog nadzora. U postupku upravnog nadzora u 478 predmeta data je saglasnost, u 30 predmeta prvostepeno rješenje je poništeno i predmet vraćen prvostepenom organu na ponovni postupak, a preostali predmeti su u postupku rješavanja.

#### **Posebna prava**

U skladu sa odredbama kantonalnog Zakona i Odlukom Vlade Kantona, odobrena su sredstva i u avgustu 2013. godine izvršena je podjela jednokratnih novčanih primanja nosiocima najvećih ratnih priznanja i odlikovanja Kantona za koje namjene je ukupno izdvojeno **196.016,00KM**.

#### **Pregled dodijeljenih naknada za ratna priznanja u 2013. godini**

Priznanje	Broj korisnika	Naknada za priznanje KM	Iznos sredstava
Heroj oslobodilačkog rata	2	498	996,00
Zlatni ljiljan	309	498	153.082,00
Orden zlatnog grba sa mačevima	1	498	498
Orden zlatnog ljiljana sa srebrnim vijencem	1	498	498
Zlatna policijska značka	29	498	14.442,00
Medalja za hrabrost	4	498	1.992,00
Policijska medalja za hrabrost	4	498	1.992,00

Srebreni štit	56	249	13.944,00
Srebrna policijska zvijezda	16	249	3.984,00
Red hrvatskog pletera	8	100	800,00
Red hrvatskog trolista	6	498	2.988,00
<b>Ukupno</b>	<b>436</b>	<b>/</b>	<b>196.016,00</b>

### **Nadoknada troškova prevoza radi liječenja**

U skladu sa članom 42. kantonalnog Zakona, RVI i DNRP, koji se radi ostvarivanja zdravstvene zaštite upućuju van mjesta prebivališta, a na teritoriji BiH i inostranstvo, imaju pravo na naknadu putnih troškova u visini cijene povratne karte do mjesta u koje su upućeni radi liječenja, uz adekvatnu medicinsku dokumentaciju.

RVI kod kojeg je rješenjem nadležnog organa utvrđeno pravo na njegu i pomoć od strane drugog lica, a koji je radi ostvarivanja zdravstvene zaštite upućen van mjesta prebivališta, a na teritoriji BiH, imaju pravo na troškove prevoza u visini 20% iznosa prodajne cijene jednog litra goriva za vozilo koje koristi, za svaki pređeni kilometar.

Od ukupno 176 podnesenih zahtjeva, koliko je zaprimljeno u proteklom izvještajnom periodu, pozitivno je riješeno 166 zahtjeva, a 10 zahtjeva je vraćeno prvostepenom organu na ponovni postupak

### **Jednokratne pomoći**

Na osnovu kantonalnog Zakona i Pravilnika o kriterijima i postupku za odobravanje jednokratnih pomoći borcima i članovima njihovih porodica, odobravanje jednokratnih pomoći obavlja komisija Ministarstva.

Jednokratne pomoći se dodjeljuju u svrhu prevazilaženja izuzetno teške materijalne situacije i za nabavku udžbenika.

#### a) Socijalne potrebe

Pravo na jednokratnu pomoć imaju: članovi PŠ-PB, RVI i nezaposleni DB pripadnici OS koji su u ratu proveli najmanje jednu godinu, kao i učesnici II svjetskog rata na strani antifašističke koalicije.

U analiziranom periodu riješeno je ukupno 2797 zahtjeva, od čega je pozitivno riješeno 2429 zahtjeva, a odbijeno je kao neosnovano 368 zahtjeva, radi neispunjavanja uslova po kantonalnom Zakonu i Pravilniku.

#### b) Nabavka udžbenika

Ovo Ministarstvo je svojom linijom rada u školskoj 2012/13 godini, izvršilo refundaciju novčanih sredstava u svrhu nabavke obaveznih udžbenika, za djecu boraca i članova njihovih porodica, od I do VIII razreda i od I do IX razreda, osnovnog obrazovanja.

U ovom školskom ciklusu, pravo na novčana sredstva u svrhu nabavke obaveznih udžbenika, ostvarilo je 780 korisnika, za 960 kompleta udžbenika.

## **Participacija u učešću – održavanju sportskih takmičenja u invalidskom sportu i manifestacija povodom obilježavanja Dana OS BiH, na području Kantona.**

### a) Invalidski sport

Shodno odredbama kantonalnog Zakona, Ministarstvo participira u troškovima učešća na sportskim takmičenjima i manifestacijama invalidskih sportskih klubova shodno kriterijima koje donosi Vlada Kantona, isključivo, za podršku razvoja i afirmacije invalidskog sporta na području Kantona.

U izvještajnom periodu, na osnovu Odluke, Ministarstvo je raspisalo javni poziv koji je objavljen u dnevnim novinama i na zvaničnoj web stranici Vlade Kantona.

Po javnom pozivu, raspoređeno je 65.000,00 KM i to: Savezu sjedeće odbojke RVI i IL TK, Sportskom savezu invalida TK, Savezu košarkaških invalidskih klubova TK i Streljačkom savezu invalidnih lica TK.

### b) Program obilježavanja značajnih datuma, događaja i ličnosti na nivou Kantona

U izvještajnom periodu pristupilo se izmjenama podzakonskog akta, na način da je kao značajan datum za Kanton uvršten i dan „Dan obilježavanja Akcije Oklopnog voza“, 22. oktobar. U skladu sa odredbama kantonalnog Zakona, Vlada Kantona, na prijedlog Ministarstva, donijela je Program obilježavanja značajnih datuma događaja i ličnosti na području Kantona, kojim su definisani datumi, događaji i ličnosti, od značaja za Kanton, F BiH i državu BiH. visina sredstava i nosioci aktivnosti za svaku manifestaciju,

U skladu sa odredbama člana 44. kantonalnog Zakona, posebna pažnja je data obilježavanju 20 godišnjice formiranja II Korpusa ARBiH. Navedena manifestacija je već postala tradicija u obilježavanju tekovina oslobođilačkog rata. U tom kontekstu, formiran je koordinacioni odbor, od predstavnika zakonodavne i izvršne vlasti, predstavnika OS BiH, predstavnika udruženja boraca kantonalnog nivoa i predstavnika medija Kantona, koji su učestvovali u pripremanju navedene manifestacije. Navedeni program je u cijelosti realizovan.

Na prijedlog ovog Ministarstva, Programom koji donosi Vlada, finansira se obilježavanje: Dana pogibije Heroja odbrambeno - oslobođilačkog rata: Mehudin Hodžić, Hajrudin Mešić i Nesib Malkić, tradicionalnih susreta Dobitnika najviših ratnih priznanja i odlikovanja BiH, Dana Srebrenice, Dana pobjede nad fašizmom, Dana mrtvih - poginulih u domovinskom ratu, Dana državnosti BiH, Dana šehida - drugi dan ramazanskog Bajrama, Dana nezavisnosti i Dana ustanka naroda BiH. Sredstva za navedene manifestacije i događaje su raspoređena i doznačena u skladu sa provedenom procedurom po javnom pozivu.

## **IV Kapitalni projekti**

U skladu sa iskazanim planom nabavke za 2013. godinu, planirana je nabavka računarske opreme za potrebe Ministarstva, i to šest računara i šest štampača, kao i nabavka putničkog automobila, ukupne vrijednosti 63.200,00 KM (slovima:šesdesettrihiljadudvjesto KM).

Navedeni kapitalni projekti nisu realizovani, zbog stanja u Budžetu Kantona.

## **V Ocjena stanja**

### **Zaključna razmatranja**

Kao što je već i navedeno u Normativnom dijelu ovoga Izvještaja, Ministarstvo je uspjelo realizovati planirane programske aktivnosti kao i aktivnosti koje nisu planirane programom rada Vlade Kantona za 2013. godinu, izuzev u segment koji se odnosi na finansiranje programa za

zapošljavanje boraca i članova njihovih porodica, kako putem Službe za zapošljavanje tako i putem resornih ministarstava u Vladi Kantona ali koje je Vlada Kantona, redovno razmatrala i donosila, a sve u cilju poboljšanja položaja boraca i članova njihovih porodica na području Kantona.

Realizacija finansijskih sredstava na osnovu donesenih rješenja u Ministarstvu, po pojedinačnim pravima, bila je uslovljena sa operativnim finansijskim planovima Vlade Kantona.

Treba znati, da smo startali u 2013. godini sa 5.522.273,79 KM neizmirenih obaveza po osnovu dopunskih prava iz 2011. i 2012. godine godine, i to uglavnom sredstva za stambeno rješavanje, za stipendiranje učenika i studenata i obaveza iz zdravstvene zaštite, i vrijedno pomena jeste da stvorene obaveze po osnovu dopunskih prava iz 2013. iznose 8.706.011,50 KM ili 82,67%, (iz 2011. godine – 70.828,35 KM, a iz 2012. godine 3.145.883,35 KM), a izmirene obaveze za 2013. godinu iznose 2.221.103,12 ili 25,51%.

U izvještajnom periodu kao udruženje od posebnog značaja, podzakonskim aktom utvrđen je i “Savez udruga policije 1991-1995. godina Tuzlanskog kantona”. Saradnja sa 13 boračkih organizacija i udruženja kantonalnog nivoa je kontinuirana i uspješna, a predstavnici boračkih organizacija i udruženja uključeni su, putem komisija, u rješavanju stambenih pitanja, stipendiranja učenika i studenata i dr.

Potrebno je naglasiti i činjenicu da je u izvještajnom periodu, kao i svih prethodnih godina, kontinuirano vršen svakodnevni prijem boraca i članova njihovih porodica iz svih opština Kantona, sa ciljem mogućnosti rješavanja dopunskih i svih drugih prava, što je uveliko usporavalo i otežavalo rad uposlenika.

## **VI Programska orijentacija**

U toku 2014. godine, Ministarstvo je planiralo obezijediti nastavak primjene kantonalnog Zakona odnosno na poboljšanje položaja boraca i članova njihovih porodica, sa ciljem zadovoljavanja stvarnih potreba istih putem efikasnijeg i ekonomičnijeg postupka ostvarivanja utvrđenih prava.

U cilju poboljšanja položaja boraca i članova njihovih porodica, planira se pristupiti donošenju novih i predlaganju izmjena i dopuna zakonskih i drugih propisa, koje imaju za svrhu zaštitu prava boraca i članova njihovih porodica.

**Strateški cilj 1.** Uspostavljanje novog sistema raspodjele finansijskih sredstava u oblasti stambenog zbrinjavanja boraca i članova njihovih porodica, uvećanjem kreditnih sredstava u odnosu na bespovratna sredstva.

Mjere i aktivnosti:

U cilju ostvarivanja navedenog strateškog cilja, pristupiće se donošenju:

- Programa o rasporedu bespovratnih novčanih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona za 2014. godinu,
- Programa o rasporedu beskamratnih novčanih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona za 2014. godinu,
- Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona i
- Odluke o izmjenama i dopunama Odluke o uslovima, kriterijima i postupku za dodjelu beskamratnih kreditnih sredstava za pomoć u u stambenom zbrinjavanju branitelja i članova njihove porodice na području Tuzlanskog kantona.

**Strateški cilj 2.** Obezbjedenje namjenskih sredstava za finansiranje programa zapošljavanja boraca i članova njihovih porodica koja ima za cilj radno angažovanje boraca i članova njihovih porodica i smanjenje nezaposlenosti istih.

Mjere i aktivnosti:

U cilju ostvarivanja navedenog strateškog cilja, pristupiće se donošenju:

- Odluke o utvrđivanju uslova, kriterija i postupka za dodjelu sredstava u svrhu zapošljavanja boraca i članova njihovih porodica i
- Programa o rasporedu sredstava za dodjelu sredstava u svrhu zapošljavanja boraca i članova njihovih porodica.

**Strateški cilj 3.** Obezbjedenje namjenskih sredstava za obavljanje pripravničkog staža boraca i članova njihovih porodica.

Mjere i aktivnosti:

U cilju ostvarivanja navedenog strateškog cilja, pristupiće se donošenju:

- Odluke o izmjenama i dopunama odluke o utvrđivanju uslova, kriterija i postupka za obavljanje pripravničkog staža branitelja i članova njihovih porodica i
- Programa o rasporedu sredstava za obavljanje pripravničkog staža boraca i članova njihovih porodica.

## **VII Izvršavanje planiranih kontinuiranih poslova:**

U Ministarstvu se kontinuirano obavljaju poslovi koji proizilaze iz odredaba kantonalnog Zakona i kantonalne Odluke, kao i federalnog Zakona, kako slijedi:

### **1. Obavezno zdravstveno osiguranje,**

*Pravni osnov:* Navedeno dopunsko pravo ostvaruje se u skladu sa članom 6. stav (1) - (6) i članom 3. Odluke.

### **2. Plaćanje neposrednog učešća osiguranih osoba u troškovima korištenja zdravstvene zaštite - premija**

*Pravni osnov:* Navedeno dopunsko pravo ostvaruje se u skladu sa članom 6. stav (7) Zakona i Odluke o neposrednom učešću osiguranih lica u troškovima korištenja zdravstvene zaštite na teritoriji Tuzlanskog kantona («Službene novine Tuzlanskog kantona» broj: 2/03).

### **3. Obezbjedenje higijensko sanitetskog materijala i lijekova**

*Pravni osnov:* Navedeno dopunsko pravo ostvaruje se u skladu sa članom 6. stav (5) i (6), članom 8. Zakona članovima 35. i 36. Odluke, kao i propisom Ministarstva.

### **4. Pomoć u liječenju u inostranstvu**

*Pravni osnov:* Navedeno dopunsko pravo ostvaruje se u skladu sa članom 6. stav (5) i (6) i članom 10. Zakona, članom 37. Odluke i pod uslovima i na način definisan propisom Vlade Kantona.

### **5. Ortotsko - protetska i druga pomagala**

*Pravni osnov:* Navedeno dopunsko pravo ostvaruje se u skladu sa članom 6. stav (5) i (6) i članovima 7. i 8. Zakona i na način propisan članovima 8. do 34. Odluke.

### **6. Pravo na banjsko - klimatsko liječenje (medicinska rehabilitacija)**

*Pravni osnov:* Navedeno dopunsko pravo ostvaruje se u skladu sa članom 6. stav (5) i (6) i članom 11. - 13. Zakona i na način propisan članovima 39. - 44. Odluke.

### **7. Pravo po osnovu profesionalne rehabilitacije, utvrđivanja procenta vojnog invaliditeta i nesposobnosti za privređivanje,**

*Pravni osnov:* Navedeno dopunsko pravo ostvaruje se u skladu sa članom 14. i 15. Zakona i članom 47. federalnog Zakona o pravima branilaca i članova njihovih porodica, na osnovu nalaza, ocjene i mišljenja ljekarske komisije Instituta za medicinsko vještačenje zdravstvenog stanja.

## **8. Osiguranje povoljnijih uslova za zapošljavanje**

*Pravni osnov:* Navedeno dopunsko pravo ostvaruje se u skladu sa članom 16. i 17. Zakona i propisa Vlade Kantona.

## **9. Stipendiranje boraca i članova njihovih porodica**

*Pravni osnov:* Navedeno dopunsko pravo ostvaruje se u skladu sa članom 21. Zakona, pod uslovima i na način definisan posebnim programom i propisom Vlade Kantona.

## **10. Pravo na obavljanje pripravničkog staža boraca i članova njihovih porodica**

*Pravni osnov:* Navedeno dopunsko pravo ostvaruje se u skladu sa članom 21. Zakona, pod uslovima i na način definisan posebnim programom i propisom Vlade Kantona.

## **11. Pravo na pomoć za rješavanje stambenih potreba**

*Pravni osnov:* Navedeno dopunsko pravo ostvaruje se u skladu sa članom 4. i 24. Zakona, i na način definisan posebnim programima i propisima Vlade Kantona. u svrhu:

- jednokratne dodjele bespovratnih novčanih sredstava,
- dodjelom beskamatnih kreditnih sredstava putem poslovne banke,
- dodjela stana u vlasništvo i
- pravo na subvencioniranu kamatu.

## **12. Pravo na podizanje nišana - nadgrobnog spomenika**

*Pravni osnov:* Navedeno dopunsko pravo ostvaruje se u skladu sa članom 30.-33. Zakona i pod uslovima i na način definisan posebnim propisom Ministarstva.

## **13. Pravo na naknadu troškova dženaze/sahrane**

*Pravni osnov:* Navedeno dopunsko pravo ostvaruje se u skladu sa članom 35. i 36. Zakona i na način definisan posebnim propisom Ministarstva.

## **14. Posebna prava dobitnika ratnih priznanja i odlikovanja (jednokratno novčano primanje),**

*Pravni osnov:* Navedeno dopunsko pravo ostvaruje se u skladu sa članom 39. Zakona.

## **15. Pravo na naknadu troškova prijevoza u zemlji radi liječenja**

*Pravni osnov:* Navedeno dopunsko pravo ostvaruje se u skladu sa članom 42. Zakona i na način propisan članom 45. i 46. Odluke.

## **16. Jednokratnu novčanu pomoć u svrhu rješavanja socijalnih potreba i nabavke udžbenika**

*Pravni osnov:* Navedeno dopunsko pravo ostvaruje se u skladu sa članom 43. stav (1) Zakona i propisom Ministarstva.

## **17. Pravo na participaciju u učešću – održavanju sportskih takmičenja u invalidskom sportu i manifestacija koje se organizuju povodom obilježavanja značajnih datuma, događaja i ličnosti značajnih za Bosnu i Hercegovinu, Federacije Bosne i Hercegovine i Kanton**

*Pravni osnov:* Navedeno dopunsko pravo ostvaruje se u skladu sa članom 44. stav (3) i (4) Zakona i na osnovu posebnog Programa Vlade Kantona.

## **18. Invalidski sportski klubovi kantonalnog nivoa**



*Pravni osnov:* Navedeno dopunsko pravo ostvaruje se u skladu sa članom 44. stav (1) i (2) Zakona i propisa Vlade Kantona.

### **19. Revizija korisnika prava na ličnu i porodičnu invalidninu**

*Pravni osnov:* Navedeno pravo obavlja se u skladu sa odredbama člana 41. Federalnog zakona.

Svi naprijed navedeni poslovi (tač.1-18) podrazumijevaju:

- a) prvostepeno upravno rješavanje u oblasti dopunskih prava, kako slijedi:
  1. Pomoć u liječenju u inostranstvu,
  2. Pravo na banjsko - klimatsko liječenje (medicinska rehabilitacija),
  3. Pravo na stipendiranje boraca i članova njihovih porodica,
  4. Pravo na obavljanje pripravničkog staža boraca i članova njihovih porodica,
  5. Pravo na pomoć za rješavanje stambenih potreba dodjelom beskamatnih kreditnih sredstava putem poslovne banke,
  6. Pravo na dodjelu stana u vlasništvo,
  7. Pravo na pomoć za rješavanje stambenih potreba putem subvencionirane kamate,
  8. Jednokratnu novčanu pomoć u svrhu rješavanja socijalnih potreba i nabavke udžbenika i
  9. Pravo na participaciju u učešću – održavanju sportskih takmičenja u invalidskom sportu i manifestacija koje se organizuju povodom obilježavanja značajnih datuma, događaja i ličnosti značajnih za Bosnu i Hercegovinu, Federacije Bosne i Hercegovine i Kanton, Invalidski sportski klubovi kantonalnog nivoa.
  
- b) drugostepeno upravno rješavanje u oblasti dopunskih prava, kako slijedi:
  1. Obavezno zdravstveno osiguranje,
  2. Ortotsko- protetska pomagala,
  3. Lijekovi i higijensko – sanitetski materijal
  4. Pravo na banjsko - klimatsko liječenje (medicinska rehabilitacija),
  5. Pravo na refundaciju troškova za podignute nišane,
  6. Pravo na naknadu troškova dženaze/sahrane
  7. Pravo na naknadu troškova prijevoza u zemlji radi liječenja,
  8. Jednokratnu novčano primanje za dobitnike priznanja,
  9. Jednokratnu novčanu pomoć u svrhu rješavanja socijalnih potreba i nabavke udžbenika,
  10. Pravo na pomoć za rješavanje stambenih potreba putem subvencionirane kamate,
  11. Stipendiranje boraca i članova njihovih porodica,
  12. Pravo na obavljanje pripravničkog staža boraca i članova njihovih porodica,
  13. Pravo na pomoć za rješavanje stambenih potreba dodjelom bespovratnih novčanih sredstava,
  14. Pravo na pomoć za rješavanje stambenih potreba dodjelom beskamatnih kreditnih sredstava putem poslovne banke,
  15. Pravo na dodjelu stana u vlasništvo.
  
- c) postupak upravnog nadzora u oblasti dopunskih prava, kako slijedi:
  1. Obavezno zdravstveno osiguranje,
  2. Pravo na pomoć za rješavanje stambenih potreba dodjelom bespovratnih novčanih sredstava,
  3. Ortotsko - protetska pomagala,
  4. Lijekovi i higijensko – sanitetski material,
  5. Pravo na refundaciju troškova za podignute nišane,
  6. Pravo na naknadu troškova dženaze/sahrane,
  7. Pravo na naknadu troškova prijevoza u zemlji radi liječenja i

8. Jednokratno novčano primanje za dobitnike priznanja.

d) revizija korisnika prava na ličnu i porodičnu invalidninu

Sastavni dio ovoga izvještaja je tabelarni pregled upravnog rješavanja.

## **VIII Pregled unutrašnje organizacije Ministarstva**

### **Nadležnost, djelokrug rada i organizacija**

Odredbama Zakona o ministarstvima i drugim organima uprave Tuzlanskog kantona ("Službene novine Tuzlanskog kantona", broj: 17/00, 3/01,12/03,10/05, 3/08 i 8/10), utvrđena je nadležnost Ministarstva.

Prema navedenoj zakonskoj normi Ministarstvo vrši upravne i druge stručne poslove koji se odnose na:

- obezbjeđivanje primjene najviših standarda ljudskih prava i sloboda utvrđenih međunarodnim aktima, ustavima i zakonima u oblastima iz nadležnosti Ministarstva;

- ostvarivanje prava iz oblasti boračko-invalidske zaštite za lica sa područja Kantona, koja im pripadaju po osnovu zakonskih i drugih propisa;

- utvrđivanje i provođenje politike, predlaganje, primjena zakonskih i drugih propisa, te utvrđivanje i provođenje adekvatnih mjera koje imaju za svrhu zaštitu prava lica; posebnu zaštitu prava ratnih i mirnodopskih invalida, članova porodica poginulih, nestalih i umrlih pripadnika oružanih snaga Bosne i Hercegovine, kao i umrlih ratnih vojnih invalida, putem ostvarivanje prava na novčana primanja, koja proizilaze po tom osnovu i druge vidove socijalne zaštite, koji im pripadaju po osnovu zakonskih i drugih propisa na području Kantona;

- preduzimanje mjera na izgradnji, uređenju i održavanju spomen obilježja, grobalja boraca i stratišta nevinih žrtava rata;

- vođenje upravnog postupka u oblasti boračko-invalidske zaštite i vođenje postupka revizije, u okviru stvarne i mjesne nadležnosti Ministarstva;

- organizovanje i praćenje rada komisija i drugih tijela za utvrđivanje činjenica i dokaza za vođenje postupaka;

- koordinaciju i usklađivanje rada općinskih organa i općinskih službi za upravu u oblasti boračko-invalidske zaštite, a u okviru nadležnosti Ministarstva;

- učestvovanje u planiranju i namjenskoj realizaciji budžetskih sredstava Kantona u oblasti boračko-invalidske zaštite, u skladu sa zakonskim i drugim kantonalnim propisima;

- saradnju i koordinaciju sa drugim ministarstvima Kantona u vršenju poslova iz nadležnosti Ministarstva;

- saradnju i koordinaciju aktivnosti sa asocijacijama boračke populacije koje djeluju na području Kantona;

- vršenje nadzora sa pravnog i ekonomsko-finansijskog aspekta kod ostvarivanja prava lica sa područja Kantona u oblasti boračko-invalidske zaštite;

- pripremanje nacrtu zakona i drugih propisa iz nadležnosti Ministarstva; vođenje propisanih evidencija u oblastima iz nadležnosti Ministarstva; vršenje i drugih stručnih i upravnih poslova, u skladu sa zakonom i drugim propisima.

Ministarstvo je organizovano u dva odjeljenja i to:


1. Odjeljenje za ekonomsko – finansijske, pravne i opće poslove i



2. Odjeljenje za pravne, socijalno – statusne i informativne poslove.

Na dan 31.12.2013. godine u Ministarstvu je bilo ukupno uposlono, 15 službenika i namještenika, od čega: 8 VSS; 1 VŠS i 6 SSS.

U izvještajnom periodu, na osnovu Zakona o preuzimanju Zakona o državnoj službi u Federaciji Bosne i Hercegovine („Službene novine Tuzlanskog kantona“ broj: 12/10 i 1/12), koji se primjenjuje na području Tuzlanskog kantona, Uredbe o izmjenama i dopunama Uredbe o poslovim osnovne djelatnosti iz nadležnosti organa državne službe koju obavljaju državni službenici uvjetima za vršenje tih poslova i ostvarivanju određenih prava iz radnog odnosa (“Službene novine Federacije Bosne i Hercegovine” broj: 19/12) u dijelu definisanja stručne spreme, kao uslova za postavljanje državnog službenika na radno mjesto stručnog saradnika, odnosno usklađivanja sa Bolonjskim sistemom studiranja, kao i Uredbe o načelima za utvrđivanje unutrašnje organizacije kantonalnih, gradskih i općinskih organa državne uprave ("Službene novine Tuzlanskog kantona", broj: 12/08) u Ministarstvu je sačinjen novi Pravilnik o unutrašnjoj organizaciji. Na osnovu ukazane potrebe decembra mjeseca 2013. godine, donijet je Pravilnik o dopuni Pravilnika o unutrašnjoj organizaciji Ministarstva za boračka pitanja Tuzlanskog kantona, kojim je ranije sačinjena sistematizacija, dopunjena novim radnim mjestom za stručnog saradnika.

### Šematski prikaz unutrašnje organizacije Ministarstva za boračka pitanja





Program stručnog usavršavanja državnih službenika i namještenika realizuje se prema utvrđenom programu Agencije za državnu službu.

### **IX Način ostvarivanja**

Saradnja sa federalnim organima, drugim kantonima i njihovim organima, drugim kantonalnim organima, općinama, ombudsmenima, boračkim organizacijama i medijima je kontinuirana i na izuzetno zadovoljavajućem nivou.

Dostavljeno:  
1x Naslovu,  
1x a/a,

Po ovlaštenju Skupštine TK

Zaimović Džemila, sekretar